

佛教願文

佛教文類第一種



慧光

上海佛學書局印行



佛教文類 第一種

佛
教
願
文

上海佛學書局印行

中華民國二十五年二月初版

◎每冊定價大洋貳角

(外埠酌加郵匯費)

纂者 高 觀 如

佛學書局 代表 沈彬翰

上海新大沽路口 電話三三七四三

國光印書局

愚園路一五四號 電話三五五二四

上海佛學書局

佛學書局分局

上海新民路國慶路
長沙玉泉街七十號

杭州西湖龍翔橋

佛經流通處

佛教文類
第一種

佛教願文目錄

願文一「通願」六篇

發願文……………唐 釋玄覺……………一

願文……………宋 釋遵式……………五

發願文……………宋 黃庭堅……………六

發願文……………宋 釋然……………七

四十八願文……………明 釋智旭……………九

甲申七月三十日願文……………明 釋智旭……………一六

願文二「住持三寶」六篇

千佛願文……………梁 簡文帝……………一八

發願建脩像寺疏文……………隋 釋智顗……………一九

北齊三部一切經願文……………北齊 魏收……………二〇

周經藏願文……………北周 王褒……………二一

千僧會願文……………齊 沈約……………二二

四月八日度人出家願文……………梁簡文帝……………二三

願文二「淨業」八篇

念佛懺悔發願文……………宋釋遵式……………二五

往生淨土懺願文……………宋釋遵式……………二六

念佛發願文……………宋釋遵式……………二七

念佛回向發願文……………宋釋宗頤……………二八

發願文……………宋釋智圓……………三〇

往生淨土十願文……………宋釋擇瑛……………三一

西方願文……………明釋株宏……………三二

印施西方接引圖回向發願偈文……………清楊文會……………三四

願文四「行持」五篇

閱藏願文……………明釋智旭……………三五

閱藏畢願文……………明釋智旭……………三六

文星閣閉關發願偈文……………清彭紹升……………三九

受苦薩戒發願文……………清彭紹升……………四〇

戒殺懺願偈文……………清 沈善登……………四一

願文五〔法會〕二篇

啓建淨社願文……………明 釋智旭……………四二

涅槃會發願文……………清 釋實賢……………四四

願文六〔脩建功德〕四篇

遣使入天台建功德願文……………隋 楊 廣……………五七

於天台設齋願文……………隋 楊 廣……………五九

爲大穆皇后追福願文……………唐 太 宗……………六一

爲雪航檄公講律刺血書願文……………明 釋智旭……………六二

誓文 五篇

廬山白蓮社誓文……………晉 劉遺民……………六四

建明州開元寺戒壇誓文……………宋 釋元照……………六五

西資社同誓文……………宋 釋師友……………六六

受菩薩戒誓文……………明 釋智旭……………六八

自誓文……………清 彭紹升……………六九

廻向文 八篇

誦經普回向文……………唐 釋湛然……………七〇

看經回向文……………宋 釋宗杲……………七一

掃地回向文……………宋 釋法真……………七二

結壇念佛回向文……………明 釋智旭……………七二

回向文……………清 釋實賢……………七三

安居回向偈文……………清 彭紹升……………七六

放生會回向文……………清 彭紹升……………七七

卹嫠會回向文……………清 彭紹升……………七八

勸發心文 二篇

普勸僧俗發菩提心文……………唐 裴休……………七九

勸發菩提心文……………清 釋實賢……………九七

佛教文類
第一種

佛教願文

願文一 六篇

發願文

唐釋玄覺

稽首圓滿徧知覺。寂靜平等本真源。相好嚴特非有無。慧明普照徧微塵。
刹。稽首湛然真妙覺。甚深十二修多羅。非文非字非言詮。一音隨類皆
明了。稽首清淨諸賢聖。十方和合應真僧。執持禁戒無有違。振錫攜瓶
利含識。卵生胎生及濕化。有色無色想非想。非有非無想雜類。六道輪
迴不暫停。我今稽首歸三寶。普爲衆生發道心。羣生沈淪苦海中。願因
諸佛法僧力。慈悲方便拔諸苦。不捨宏願濟含靈。化力自在度無窮。恆
沙衆生成正覺。說此偈已。我復稽首歸依十方三世一切諸佛法僧前。

承三寶力、志心發願、修無上菩提契從今生、至成正覺、中間決定、勤求不退。未得道前、身無橫病、壽不中天。正命盡時、不見惡相、無諸恐怖、不生顛倒。身無苦痛、心不散亂。正慧明了、不經中陰、不入地獄。畜生餓鬼、水陸空行、天魔外道、幽冥鬼神、一切雜形、皆悉不受。長得人身、聰明正直。不生惡國、不值惡王、不生邊地、不受貧苦奴婢女形黃門二根黃髮黑齒頑愚暗鈍醜陋殘缺盲聾瘖瘂。凡是可惡、畢竟不生。出處中國、正信家生、常得男身、六根完具。端正香潔、無諸垢穢。志意和雅、身安心靜。不貪瞋癡、三毒永斷。不造衆惡、恆思諸善。不作王臣、不爲使命。不願榮飾、安貧度世。少欲知足、不長畜積。衣食供身、不行偷盜。不殺衆生、不噉魚肉。敬愛含識、如我無異。性行柔輒、不求人過、不稱己善。不與物諍、怨

親平等不起分別、不生憎愛。他物不恡、自財不恡。不樂侵犯、恆懷質直。心不卒暴、常樂謙下。口無惡說、身無惡行。心不詔曲、三業清淨。在處安隱、無諸障難。竊盜劫賊、王法牢獄、枷杖鉤鎖、刀鎗箭槊、猛獸毒蟲、墮峯溺水、火燒風飄、雷驚霹靂、樹折岩頽、堂崩棟朽、搗打怖畏、趁逐圍繞、執捉繫縛、加誣毀謗、橫註鉤牽、凡諸難事、一切不受。惡鬼飛災、天行毒癘、邪魔魍魎、若河若海、崇山穹嶽、居止樹神、凡是靈祇、聞我名者、見我形者、發菩提心、悉相覆護、不相侵惱。晝夜安隱、無諸驚懼。四大康強、六根清淨、不染六塵、心無亂想。不有昏滯、不生斷見、不著空有、遠離諸相。信奉能仁、不執己見。悟解明了、生生修習。正慧堅固、不被魔攝。大命終時、安然快樂。捨身受身、無有怨對。一切衆生、同爲善友。所生之處、值佛聞

法童眞出家。爲僧和合身。身之服。不離袈裟。食食之器。不乖孟鉢。道心堅固。不生嬌慢。敬重三寶。常修梵行。親近明師。隨善知識。深信正法。勤行六度。讀誦大乘。行道禮拜。妙味香花。音聲讚唄。燈燭臺觀。山海林泉。空中平地。世間所有。微塵已上。悉持供養。合集功德。迴助菩提。思惟了義。志樂閑靜。清素寂默。不愛喧擾。不樂羣居。常好獨處。一切無求。專心定慧。六通具足。化度衆生。隨行所願。自在無礙。萬行成就。精妙無窮。正直圓明。志成佛道。願以此善根。普及十方界。上窮有頂。下極風輪。天上人間。六道諸身。一切含識。我所有功德。悉與衆生共。盡於微塵劫。不惟一衆生。隨我有善根。普皆充薰飾。地獄中苦惱。南無佛法僧。稱佛法僧。名願皆蒙解脫。餓鬼中苦惱。南無佛法僧。稱佛法僧。名願皆蒙解脫。畜

生中苦惱。南無佛法僧。稱佛法僧名。願皆蒙解脫。天人阿修羅。恆沙諸
含識。八苦相煎迫。南無佛法僧。因我此善根。普免諸纏縛。南無三世佛。
南無修多羅。菩薩聲聞僧。微塵諸聖衆。不捨本慈悲。攝受羣生類。盡空
諸含識。歸依佛法僧。離苦出三塗。疾得超三界。各發菩提心。晝夜行般
若。生生勤精進。常如救頭然。先得菩提時。誓願相度脫。我行道禮拜。我
誦經念佛。我修戒定慧。南無佛法僧。普願諸衆生。悉皆成佛道。我等諸
含識。堅固求菩提。頂禮佛法僧。願早成正覺。

禪林永
嘉集

願文

宋釋遵式

願我此身。安隱修道。離諸緣障。正法無難。國土豐樂。常居林野。樂獨寂
靜。衲衣菜食。隨分知足。常畏信施。如禦強敵。常離眷屬。如遠大怨。常保

禪慧如護珍寶。常棄諸惡。如去弊疾。法衣錫杖。禦魔甲兵。繩牀香灌。資道調具。捨此之外。更無所貪。習俗生常。願莫相近。嗜欲名利。永非我徒。毀讚虛嚮。猶風過耳。安忍違從。志全道業。

緇門
警訓

發願文

宋黃庭堅

昔者師子王。白淨法爲身。勝義空谷中。奮迅及哮吼。念弓明利箭。被以慈哀甲。忍力不動搖。直破魔王軍。三昧常娛樂。甘露爲美食。解脫味爲漿。遊戲於三乘。安住一切智。轉無上法輪。我今稱揚。稱性實語。以身口意。籌量觀察。如實懺悔。我從昔來。因癡有愛。飲酒食肉。增長愛渴。入邪見林。不得解脫。今者對佛。發大誓願。願從今日。盡未來世。不復淫欲。願從今日。盡未來世。不復飲酒。願從今日。盡未來世。不復食肉。設復淫欲。

當墮地獄、住火坑中、經無量劫。一切衆生、爲淫亂故、應受苦報、我皆代受。設復飲酒、當墮地獄、飲洋銅汁、經無量劫。一切衆生、爲酒顛倒、應受苦報、我皆代受。設復食肉、當墮地獄、吞熱鐵丸、經無量劫。願我以此、盡未來際、忍事誓願、根塵清淨、具足十忍、不由他教、入一切智、隨順如來。於無盡衆生界中、現作佛事。恭惟十方洞徹、萬德莊嚴、於刹刹塵塵、爲我作證。設經歌羅邏身、忘失本願、惟垂加被、開我迷雲、稽首如空等一痛切。

緇門
警訓

發願文

宋釋然

歸命十方調御師、演揚清淨微妙法。三乘四果解脫僧、願賜慈悲哀攝受。但某甲自違眞性、枉入迷流、隨生死以飄沈、逐色聲而貪染。十纏十

使積成有漏之因。六根六塵。妄作無邊之罪。迷淪苦海。深溺邪途。著我耽人。舉枉措直。累生業障。一切慙尤。仰三寶以慈悲。慚一心而懺悔。所願能仁拯拔。善友提攜。出煩惱之深淵。到菩提之彼岸。此世福基命位。各願昌隆。來生智種靈苗。同希增秀。生逢中國。長遇明師。正信出家。童真入道。六根通利。三業純和。不染世緣。常修梵行。執持禁戒。塵業不侵。嚴護威儀。蜎飛無損。不逢八難。不缺四緣。般若智以現前。菩提心而不退。修習正法。了悟大乘。開六度之行門。越三祇之劫海。建法幢於處處。破疑網於重重。降伏衆魔。紹隆三寶。承事十方諸佛。無有疲勞。修學一切法門。悉皆通達。廣作福慧。普利塵沙。得六種之神通。圓一生之佛果。然後不捨法界。徧入塵勞。等觀音之慈心。行普賢之願海。他方此界。逐

類隨形應現色身。演揚妙法。泥犁苦趣。餓鬼道中。或放大光明。或見諸神變。其有見我相。乃至聞我名。皆發菩提心。永出輪迴苦。火鑊冰河之地。變作香林。飲銅食鐵之徒。化生淨土。披毛戴角。負債啗冤。盡罷辛酸。咸霑利樂。疾疫世而見爲藥草。救療沈痼。饑饉時而化作稻粱。濟諸貧餒。但有利益。無不興崇。次期累世冤親。現存眷屬。出四生之汨沒。捨萬劫之愛纏。等與含生。齊成佛道。虛空有盡。我願無窮。情與無情。同圓種智。

智。緇門警訓

四十八願文

天啓元年。歲次辛酉。七月三十日。時名大期。優婆塞。

明釋智旭

稽首三身圓滿尊。一切真如覺性海。稱彼法界等虛空。種種莊嚴大願海。果因交徹不思議。菩薩一切修行海。亦禮阿彌陀如來。觀音勢至及

地藏。我爲慈親罔極恩。徧憫一切衆生界。發生如實增上心。修行念佛
勝方便。深信淨土攝受門。廣大誓願普皆被。妙戒爲舟智慧舵。方便爲
帆。佛力風。盡未來際渡衆生。終不一念捨五濁。諸佛願海如帝珠。攝於
我願重重現。我願亦如摩尼王。諸佛願海悉皆攝。願輪橫徧於十方。亦
復豎窮於三際。一切智智之所乘。故我至心勤修習。

第一願。我本發心。上報慈父鍾之鳳生恩。願三寶力。令我無始慈父。咸
生淨土。速證菩提。令聞我名者。亦報父恩。△第二願。我本發心。上報悲
母金大蓮養育恩。願三寶力。令我無始悲母。咸生淨土。速證菩提。令聞
我名者。亦報母恩。△第三願。度法界衆生成佛竟。方取泥洹。△第四願。
我姪機身心俱斷。斷性亦無。令聞我名者。永斷姪根。△第五願。我殺害